

Ang atong lawasnong kinabuhi gikan lamang sa Dios. Walay tawo o sayantipeko nga nakahimo sa pagmugna sa kinabuhi dinhi sa kalibutan. Bisan ang mga doktor uban sa ilang kahibalo sa pagpanambal ug daghang kwarta nga ibayad sa pasyente dili makapataas sa kinabuhi kon ang Dios na ang maghukom sa kamatayan. Ang atong maayong mga pagkaon, ehersisyo, ug bitamina mahimong mopataas sa kinabuhi sa lawas, apan sama ni Adam kaniadto, kita mamatay lang gihapon.

Ang tawo sa dihang moadto siya sa kawanangan nagkinahanglan sa espesyal nga sakyanan, bisti, pagkaon, ug ubang mga gamit aron mabuhi ang iyang lawas sa maong kahimtang. Kon mosipyat siya ang kamatayan sa iyang lawas siguro gayud.

Higala, ang nagaunang mga panghunahuna nagpamatuod nga lisod ang pag-angkon o pagpataas sa lawasnong kinabuhi. Unsa pa kaha ka lisod ang pag-angkon sa kinabuhi sa Dios, nga, mao ang kinabuhing dayon? Ang Dios dayon ang kinabuhi. Walay pagkaputol niini. Ang tawo aron nga siya makauban sa Dios sa langit nagkinahanglan sa kinabuhing dayon. Posible ba sa tawo nga makabaton sa kinabuhing dayon? Dakung Oo ang tubag niini.

Pamalandongi ang sulti sa Biblia aron ka makaangkon niini:

UNA, ANG TAWO MAKASASALA. “Kay ang tanan nakasala, ug nakabsan sa himaya sa Dios” (Roma 3:23). Kita natawo nga adunay

kinaiya mga makasasala. Ang matag usa kanato nakahimo sa pagpamakak, paglimbong, pagpasangil sa uban, pagdumot, paghunahuna sa dautan, ug uban pa. Tingali dili ta kriminal, apan sa gihapon makasasala.

IKADUHA, ANG MAKASASALA SILOTAN. “Ang bayad sa sala kamatayon” (Roma 6:23). Tungod kay kita makasasala, siguro ang silot alang niini. Dili lang kamatayon sa lawas ang dangatan sa tawo, apan ang walay katapusan nga pagkabalug gikan sa Dios “ngadto sa linaw nga kalayo” (Pinadayag 20:15). Unsaon man nato sa paglikay niini? Mao kini ang mosunod.

IKATULO, ADUNAY MAKALUWAS SA MAKASASALA. Tungod kay ang sala bayran man sa kamatayon, si Jesus namatay alang niini. Si Jesus lamang ang namatay alang sa mga sala “sa tibuok kalibutan” (I Juan 2:2). Siya miingon “ang Anak sa Tawo mianhi aron sa pagpangita sa nawala” (Lukas 19:10). Kon wala kapa naluwás, apil ka sa nawala.

IKAUPT, DAWATA ANG MANLULUWAS SA MAKASASALA. Namatay ug nabanhaw si Jesus aron ang makasasala maluwás. Siya miingon “Ako mianhi aron sila makabaton sa kinabuhi,” (Juan 10:10). Kon imong dawaton si Jesus nga mao ra gayud ang Manluluwas nimo, siya mohatag kanimo sa “gasa sa Dios nga mao ang kinabuhing dayon” (Roma 6:23). Si Juan misulat sa mga buhi pa mga magtotoo sa iyang panahon miingon “Ug kini ang pamatuod, nga ang Dios naghatag kanato sa kinabuhing dayon, ug kini nga kinabuhi anaa sa iyang

